

## 2.2 ESTRATEXIA: EIXES DE ACTUACIÓN E OBXECTIVOS ESTRATÉXICOS

O Plan estratéxico de Galicia para o período 2010-2014 horizonte 2020, integra os obxectivos e as prioridades estratéxicas que compoñen unha política económica capaz de constituír un apoio e unha referencia para a sociedade, e en particular para o tecido produtivo, coa finalidade de aumentar a riqueza de Galicia e o benestar dos seus cidadáns, mediante o aumento da competitividade de Galicia nun mercado globalizado, baseándose na produtividade e na innovación.

O plan asume como obxectivos e prioridades propias os principios orientadores da estratexia económica da Unión Europea, que se formulan a partir dun crecemento económico sostido por tres prioridades:

- “*crecemento intelixente*”, avanzando nun modelo económico de desenvolvemento baseado no coñecemento e na innovación.

- “*crecemento sustentable*”, reforzando o progreso dunha economía que faga un uso máis eficaz dos recursos, máis verde e competitiva.
- “*crecemento integrador*”, priorizando unha economía con alto nivel de emprego, que permita un sistema socioeconómico cohesionado social e territorialmente.

Esta orientación europeísta do modelo galego de desenvolvemento, complementase cos resultados do exame da realidade e da situación económica de Galicia explicitados nos resultados da diagnose e da análise DAFO de ameazas, fortalezas, debilidades e oportunidades que como sociedade e rexión se nos formulan, e que lle engaden á orientación xeral confluyente cos obxectivos da Unión, a consideración da situación particular de Galicia e a reflexión sobre as

circunstancias propias dentro do espazo e estratexia económica de España e da Unión.

Así, a planificación e programación formuladas no presente documento recollen, no ámbito estratéxico, tres niveis de obxectivos: un obxectivo global, cinco eixes de actuación, e dezaseis obxectivos estratéxicos, que establecen e desenvolven un conxunto de máis de cen grupos de medidas nas que se integran e identifican –entre outras actividades– todas as comprendidas nos programas de gasto da Xunta e sobre as que se basearán as actuacións definidas no plano operativo.

Como xa se sinalou, o obxectivo global do plan estratéxico supón incrementar o benestar e a calidade de vida dos cidadáns galegos, a través da renda proporcionada por unha economía competitiva e unha Administración solidaria, mediante o fomento da economía do coñecemento e da innovación, gañando en produtividade, o que abrirá as oportunidades para a creación de emprego de calidade, e o reforzo da cohesión social e o equilibrio territorial.

Ese obxectivo global alcanzarase pola interacción e os efectos directos de cinco eixes mestres, dos que as actuacións se complementan entre si e inciden positivamente nos factores do desenvolvemento económico: o desenvolvemento do capital humano, o aumento da dotación de capital físico e a constante introdución e mellora de procesos tecnolóxicos eficientes e innovadores.

A correspondencia entre eixes de actuacións, cos obxectivos estratéxicos e medi-

das confórmase unha árbore de obxectivos e medidas, de modo que de cada un dos eixes dependen aqueles obxectivos estratéxicos que estean relacionados con el dunha forma máis directa e específica. Da mesma maneira, a correspondencia coherente entre os programas orzamentarios de gasto e as actuacións incluídas no plan garanten a responsabilidade financeira asumida nas decisións de actuacións da Administración, e facilitan o seguimento dunha eficaz execución e un control dos resultados, camiñando cara unha execución do gasto por obxectivos.

**Eixe 1: Cohesión social, benestar e calidade de vida**

**Eixe 2: Dinamización económica, crecemento e emprego**

**Eixe 3: Economía do coñecemento**

**Eixe 4: Sustentabilidade ambiental e equilibrio territorial**

**Eixe 5: Administración austera, eficiente e próxima ao cidadán**

Partindo destes cinco eixes, o plan establece dezaseis **obxectivos estratéxicos** que responden ás prioridades europeas para o crecemento e o emprego e arredor dos que se vehicularán as diferentes actuacións que se porán en marcha a través dos programas de gasto correspondentes.

Na táboa seguinte móstrase a vinculación estratéxica entre os eixes e os obxectivos estratéxicos.

○ Eixe I “*Cohesión social, benestar e calidade de vida*” descomponse nos 5 obxectivos estratéxicos 1.1, 1.2, 1.3, 1.4 e 1.5.

○ Eixe 2 “*Dinamización económica, crecemento e emprego*” está relacionado en grao alto cos obxectivos estratéxicos 2.1, 2.2, 2.3 e 2.4.

Os obxectivos estratéxicos 3.1 e 3.2 inscríbense no marco de actuación do Eixe 3 “*Economía do coñecemento*”.

Os obxectivos estratéxicos 4.1, 4.2 e 4.3 presentan unha correlación alta co Eixe 4 “*Sustentabilidade ambiental e equilibrio territorial*”.

E por último, do Eixe 5 “*Administración auster, eficiente e próxima ao cidadán*” derivan os obxectivos estratéxicos 5.1 e 5.2.



**ÁRBORE DE OBXECTIVOS DO PLAN ESTRATÉGICO GALICIA 2010-2014**

<b>O.GLOBAL: CRECEMENTO SOSTIBLE E CREACIÓN DE EMPREGO, AUMENTANDO A COHESIÓN SOCIAL E O EQUILIBRIO TERRITORIAL</b>	
<b>EIXE I: COHESIÓN SOCIAL, BENESTAR E CALIDADE DE VIDA</b>	
<b>OBXECTIVOS ESTRATÉGICOS</b>	
1.1	Revitalización demográfica, impulsando os nacementos e fomentando a conciliación da vida familiar e laboral.
1.2	Garantir unha prestación sanitaria pública e da calidade para todos os galegos e galegas
1.3	Garantir o acceso a educación e a cultura en condicións de igualdade no marco dun ensino de calidade para unha Galicia formada, innovadora e trilingüe
1.4	Atención ao benestar social
1.5	Impulsar a igualdade de oportunidades, a inclusión social e a mellora dos servizos sociais
<b>EIXE 2: DINAMIZACIÓN ECONÓMICA, CRECEMENTO E EMPREGO</b>	
<b>OBXECTIVOS ESTRATÉGICOS</b>	
2.1	Facilitar a mobilidade das persoas e o acceso aos mercados, aumentando a accesibilidade do territorio e mellorar as redes de transporte e a seguridade viaria
2.2	Internacionalizar a economía galega, fomentando o investimento empresarial o espírito emprendedor e a innovación nas empresas
2.3	Potenciar a competitividade dos sectores estratéxicos mediante a política de clusters e o fomento da innovación e cooperación empresarial
2.4	Acadar emprego de calidade mediante a cualificación dos traballadores e a mellora das condicións de empregabilidade a través do fomento das políticas activas e preventivas no mercado laboral galego

<b>EIXE 3: ECONOMÍA DO COÑECEMENTO</b>	
<b>OBXECTIVOS ESTRATÉXICOS</b>	
3.1	Construír unha sociedade competitiva baseándose na investigación e o desenvolvemento tecnolóxico e a innovación empresarial, como garantía de crecemento
3.2	Modernizar e promover a aplicación e emprego xeral das TIC nos ámbitos produtivos, social e dos servizos públicos
<b>EIXE 4: SOSTIBILIDADE AMBIENTAL E EQUILIBRIO TERRITORIAL</b>	
<b>OBXECTIVOS ESTRATÉXICOS</b>	
4.1	Convertir o contorno natural nun factor positivo para o desenvolvemento de Galicia e una mellora da calidade de vida
4.2	Desenvolvemento equilibrado e sostible do territorio eliminando as disparidades territoriais e integrando a Galicia como cidade única
4.3	Eficiencia enerxética como fonte de riqueza e resposta aos desafíos do cambio climático
<b>EIXE 5: ADMINISTRACIÓN AUSTERA, EFICIENTE E PRÓXIMA AO CIDADÁN</b>	
<b>OBXECTIVOS ESTRATÉXICOS</b>	
5.1	Acadar unha Administración moderna e próxima, optimizando os recursos materiais e humanos mediante a implantación de novos sistemas e procedementos de xestión e xeneralizando o emprego das TIC en todos os seus ámbitos de actuación
5.2	Reforzo da capacidade institucional e financeira de Galicia

Fonte: Consellería de Facenda. Elaboración propia